

## Sena varnelė

Tas paskutinis mirksnis vasaras geroma  
Rasuotiom pradalgiem tik biegi, tik nīkst.  
Tuos mėglas vakarėnės, pėlkas, kap kaltūnā,  
Znuočėj, ka darganas rodėns sogrīžt.

Sparnelius trapius jau paukštė madlavuo –  
Ėiškuos nekontrė šeltiesniu kraštū.  
Nu kūdikīstės lig senatvės žėluos  
Ė žmuogos kuožnos daug kū prabavuo.

Tas rodou so vaikėškās kaprizās  
Neėšgondints ni paukštė, ni žmuogaus.  
Je ronka ronkuo, je sparnos šalėp spārna –  
Gīvenėmė vėskū padėrbi daug lėngviau.

So špuoka švėlpio lek vasara – tērpst laiks  
I nespakainė nežėnė, i rūsti rudini...  
Kaktuo raukšlės kap dėrvu vagas raizguos,  
Tik derlio susirinktė pasėskubink!..

Jau žėimuos vaišės – šermokšnė karti ouga,  
Smėlgėlė šarma pri jouda grouda spaud.  
Priglausi, žmuogau, nuvargosė sava galva  
Tėp pat, kap mėgla pri beržėlė prisėglaus...

Vėn skubi, žmuogau, – kažkuo nepamatā  
Ė dalīku daug svarbiū praleidā.  
Vo sausuo vuobilie, kor suodnė augėnā,  
Varnėlė sena top, nuleidusi žemīn galva...